

DE ROMANA  
**SANCTI PETRI**  
APOSTOLORUM PRINCIPIS  
**CATHEDRA**

ORATIO

HABITA IN BASILICA VATICANA

AD SANCTISSIMUM D. N.

**BENEDICTUM XIV.**  
PONT. MAX.

AB EMMANUELE FILINGERI

PANORMITANO.



**ROMÆ.** Excudebat ANTONIUS DE ROSSI. **MDCCXLI.**  
SUPERIORIBUS ANNVENTIBUS.

THE  
LIBRARY  
OF THE  
MUSEUM OF  
ART AND  
ARCHAEOLOGY  
OF THE  
UNIVERSITY OF  
CAMBRIDGE

ACQUISITION  
DEPARTMENT  
UNIVERSITY OF CAMBRIDGE  
LIBRARY  
MUSEUM OF ART AND  
ARCHAEOLOGY  
100 Brook Hill Drive  
Cambridge, MA 02139  
U.S.A.



SANCTISSIMO DOMINO NOSTRO  
**BENEDICTO XIV.**  
PONT. MAX.

**EMMANUEL FILINGERI**

SALUTEM, AC FELICITATEM.



*Uod diu, multumque  
in votis habui vel a pri-  
ma quoque adolescentia, posse me quid-  
quam in hac alma Urbe totius Mundi Do-  
mina, quod ab aliis factum esse, frequen-  
ter publicis rerum gestarum paginis lectita-  
bam, mediocri saltem cum laude aliquando  
facere: sentio id mihi tandem ex sententia  
nunc accidisse. Quid enim optatius mihi  
esse*

esse poterat, quam præclaro, sollemnique,  
die maxima totius Ecclesiæ gloria, ac ju-  
tunditate celebrato sermonem habere? Quid  
dulcius, quam de excelsis nostræ Romanæ  
Ecclesiæ dotibus, ejusdemque Sedis digni-  
tate differere? Quid denique gloriosius,  
quam coram Summo Pontifice omni litera-  
rum, ac virtutum genere cumulatissimo  
verba facere? En igitur impositum onus  
alacriter suscipio, susceptumque ad te di-  
rigo, BEATISSIME PATER. Tu ex alto su-  
premæ dignitatis tuæ fastigio, ac inter tot,  
tantaque maximarum rerum negotia,  
gravissimasque regendæ Ecclesiæ universæ  
curas illud respicere, ac excipere ne asper-  
neris. Pro certo enim habe, posse Te ora-  
tiunculam hanc libenter perlegere. Nam  
quum mihi compertum esset, inter ceteras  
Tuas Virtutes singularem, ac præstantissi-  
mam illam esse, Te ab omni prorsus laude  
abhorrere; nihil propterea eximie huic Mo-  
destiæ Tuæ vel repugnans conscripsi, vel pa-  
lam recitavi. Tota autem est de Apostolica  
Beati Petri Cathedra, ejusdemque dotibus  
oratio. At quis non viderit, quum a lau-  
dibus Tuis abstinui, ac de re proposita tan-  
tummodo verba feci, tum vel maxime, quam-

vis

*vis tacito , perfectiori tamen modo eas descripsisse , ac uberrime prædicasse . Quomodo enim fieri potest , ut gloriosæ nostræ Romanæ Sedis dignitas , ac amplitudo commendentur , quin omnes Virtutes Tuæ , mirabilisque Doctrina , quarum opera illum in locum , atque in hanc ipsam celsissimam Sedem dignitatis , atque honoris ascendisti , iisdem etiam laudibus non comprehendantur ? Mira Ingenii Tui vis , atque acumen , maximum Ecclesiasticæ disciplinæ studium , excellens sacrarum literarum eruditio , incredibilis Civilium , atque Canoniarum legum peritia , sancta vivendi ratio , summa in Deum pietas , difficilis divitiarum contemptus , singularis erga omnes humanitas , magna tandem comitas , affabilitasque sermonis Te in hoc altissimo , amplissimoque dignitatis gradu collocavere . Deum igitur oro , obtestorque , ut Te totius Christiani Orbis felicitati quam diutissime incolumem servet , Teque Sanctissimos osculans pedes rursus mirum in modum deprecor , ut munusculum hoc Tuo inscriptum Nomine , quod pro summa erga Te mea observantia supplex nunc tibi offero , clementer excipias .*

*I M P R I M A T U R,*

Si videbitur Reverendissimo P. Magistro Sac. Pal. Apost.

*Philippus Archiepiscopus Theodosiæ Vicesgerens.*



*I M P R I M A T U R.*

Fr. Aloysius Nicolaus Ridolfi Ord. Præd. Sacri Pal. Apostol.  
Magister.



# ORATIO.



Uum semper nos gaudere in Domino omnia divina eloquia exhortentur, hodie procul dubio ad spirituales lætitiæ copiosius incitatur ob præclarum in universa Ecclesia festum gloriosæ S. Petri Apostolorum principis Cathedræ, BEATISSIME PATER, in qua ipse Te nunc Pater luminum, & Deus totius consolationis æterno, ac pecu-

*S. Leo serm. 8. in natiuitate Domini f. 22.*

culiari cælestis sapientiæ consilio, diuinaque Paracleti Spiritus providentia totius terrarum Orbis gloriæ, ac Sanctæ Romanæ Ecclesiæ felicitati constituit. En hodie ut Ecclesia mater sancta, festiva, tota gaudens, & comta processit, induit se tunicam iucunditatis suæ, & sicut Sponsa imposuit sibi mitram, ac vario se composuit, & decoravit ornatu. Ut cælum stellis fulget, luminibus, & terra vernat floribus suis, & ut hortus producit germina sua, ita produxit lætitiæ in conspectu omnium filiorum suorum. Votivis igitur laudibus celebremus hanc diem,

*Isac. 1.  
2. Gbor.*

*S. Petrus Chrysost. serm. 130. in consecratione Episcopi f. 117.*

*S. Bern. serm. 4. de triplici mansionem f. 82.*

*S. Aug. in appendice  
de diversis serm. 74.*

*S. Leo, S. Joan. Chry-  
sost. S. Bernar. S. Au-  
gust. S. Ambr. & om-  
nes Sancti Patres.*

*Joan. Chrysost. t. 2.  
f. 699.*

*S. Ambr. t. 1. f. 65. 7.*

*Matth. c. 16. 18.*

*Joan. Chrysost. t. 5.  
f. 1156.*

*S. Aug. loco supraci-  
tato.*

*Isaïa. 106.*

*Psal. 146.*

*Psal. 106.*

*S. Jo. Chrys. t. 2. hom.  
55 incip. Matth. 16.  
Marc. cap. 1. 16. 17.*

*Joan. c. 1. 42.*

*Joan. Chrysost. t. 5.  
hom. in Sanctis Apo-  
stolis f. 1739.*

*Id. hom. de Pentecost.  
t. 3. f. 746.*

*S. Aug. t. 10. serm. 2.  
de Cathedra S. Petri  
f. 169.*

*S. Leo serm. 2. in nat.  
Apost. Petri & Pauli.  
S. Ambrosius t. 2. l. 6.  
de Incarnationis Sa-  
cramento f. 710. 10.*

*Psal. 16. 4.*

*Matth. 16. 19.*

*S. Jo. Chrysost. t. 2. in  
cap. Matth. 16. f. 1134*

diem, & festivis eam gaudiis honoremus. Recte nam-  
que Ecclesiæ natalem sedis illius colunt, quam Aposto-  
lus pro Ecclesiarum salute suscepit. Ipsa enim hæc est  
gloriosissima Petri Cathedra vera, una, omnium prima,  
stabilis, perpetua, invicta, infallibilis, ac universalis.  
Vera, quia veræ fidei confessione fundata, una, quia  
uni Petro commissæ, prima, quia primatus soli Petro  
datus, stabilis, quia supra firmam petram ædificata,  
perpetua, quia deficere non potest, invicta, quia portæ  
infernæ non prævalebunt adversus eam, infallibilis, quia  
Spiritu Sancto innixa, universalis tandem, quia a fini-  
bus usque ad fines extentam omnes ubique populi, bar-  
baræque gentes summa reverentia, cultuque veneran-  
tur. Dignum est igitur, ut omni solemniori pompa B. Pe-  
trus stabile hoc Ecclesiæ fundamentum honoretur, om-  
nesque magna lætitia affecti sacris nunc hymnis, ac can-  
ticis exaltent eum in Ecclesia plebis, & in Cathedra se-  
niorum laudent eum.

Magnus Dominus noster, & magna virtus ejus,  
& sapientiæ ejus non est numerus! Quis sapiens, &  
intelliget misericordias Domini? Ecce enim piscator ho-  
mo, atque ignobilis mittens rete in mare factus repente  
est hominum piscator, Simon erat, & vocatus est Pe-  
trus, navem reliquit, & Ecclesiæ regimen assumpsit. O  
nova, & admiranda rerum commutatio! qui sibi antea  
infirmus fuerat, fuit omnibus firmamentum, & qui ipse  
interrogationis tentatione negaverat, ceteros fidei sta-  
bilitate fundavit. Verum enim vero, quum omnes Apo-  
stolos Dominus, quid de se opinentur, interrogasset,  
tacet Simon, & respondentibus aliis adhuc tacet, quia  
non interrogatur suam, sed alienam sententiam; ut non  
loquatur os suum opera hominum: at quum audivit. Vos  
autem quem me esse dicitis? Statim ante omnes Petrus  
ille Apostolorum os, ubique servens præfiliit, & ante-  
vertit,



vertit, dicens. Tu es Christus filius Dei vivi. Nam ipsius tunc erat, fidem loqui, pietatem adserere, gratiam prædicare. O vera, atque admirabilis fidei confessio: tanta siquidem fuit, ut ipsum propterea Dominus beatum prædicaret: quia profecto non sicut ii, qui in navigio cum illo erant, neque sicut Nathanael ipsum Dei filium dixit, tamquam unum ex multis, sed verum, ac genuinum Patris filium, utpote ex ipsius substantia genitum confessus est; atque iccirco confessionis tam egregiæ merces Apostolici collegii principatus, & regendæ Ecclesiæ universæ ipsi demandata est a Christo Jesu provincia. Et ego dico tibi, quia tu es Petrus, & super hanc petram ædificabo Ecclesiam meam. Ex omnibus discipulis suis unum Christus Simonem, prius nominatum Petrum appellat, quod se per Patris sui cælestis revelationem filium Dei esse cognoverit. Quamobrem & super illum unum ædificat Ecclesiam suam, & illi pascendas mandat oves suas. Super hanc, inquit, fortitudinem æternum extruam templum, & Ecclesiæ meæ cælo inferenda sublimitas in hujus fidei firmitate confurget. Una igitur Ecclesia, & Cathedra una super petram Domini voce fundata est. Quare, quum Petrus primatus dignitatem supra ceteros Apostolos, & universos Christi fideles, seu regimen Ecclesiæ universæ promeritus esset excellentia fidei, & fervore caritatis, primatus Petro datur, ut una Christi Ecclesia, & Cathedra una monstretur, ut qui primus fuit in Domini confessione, primus sit in Apostolica dignitate, & qui primatum egit confessionis, primatum habeat honoris, qui primatum fidei, primatum ordinis. Itaque Petrus Apostolorum princeps fuit, super quem Ecclesia Domini stabili mole fundata est, quæ nec fluminis impetu, nec ulla tempestate concutitur. Tanta enim divinitus soliditate munita est, ut eam neque hæ-

*Matth. 16. 16.*

*S. Ambr. 1. 2. loco citato.*

*Matth. 16. 17.*

*S. Joan. Chrysost. loco citato.*

*Nat. Alex. instit. Con-  
tionatorum p. 1. f. 633.*

*Matth. 16. 18.*

*S. Just. Mart. dial.  
cum Tryphone Judæo.*

*S. Cypr. de unitate  
Ecclesiæ f. 105.*

*S. Leo loco supra citato.*

*S. Cypr. Ep. 40. f. 129.*

*Nat. Alex. loco citato.*

*S. Cypr. de unitate  
Ecclesiæ f. 105.*

*S. Leo eodem loco.*

*S. Ambr. 1. 2. f. 710.  
32.*

*S. Hiero. lib. 1. advers.  
Pelagianos f. 271.*

*S. Leo serm. 2. f. 2.*

retica

retica unquam pravitas, nec pagana potuerit superare perfidia. Quid namque Ecclesia Dei potentius esse potest? quid fortius? quid gloriosius? Quam multi eam oppugnaverunt, atque ipsi quidem oppugnatores perierunt; hæc vero supra cælum ascendit. Tanta siquidem magnitudine ipsa prædita est, ut, quum oppugnatur, vincat, quum appetitur insidiis, superet, quum afficitur injuria, splendidior evadat: soliditas enim illius fidei, quæ in Apostolorum principe est laudata, perpetua est. Quomodo enim fieri umquam poterit, ut deficiat aliquando, si, quum diabolus Apostolos omnes exagitare, omnes cupiebat elidere, specialis a Domino Petri cura suscipitur, & pro Petri fide proprie supplicatur, tamquam aliorum status certior sit futurus, si mens principis victa non fuerit? Simon, inquit Dominus, Simon, ecce Satanas expostulavit, ut vos cribraret sicut triticum: ego autem rogavi pro te, ut non deficiat fides tua. Quomodo fieri umquam poterit, ut pereat aliquando, si Dominus Ecclesiam per universum Orbem amplificatam cælo etiam ipso validiorem esse polliceatur? Transibunt enim, inquit, cælum, & terra; verba autem mea non præteribunt. Quomodo fieri umquam poterit, ut destruaturs aliquando, si portæ inferi non prævalebunt adversus eam? Facilius est, Solem extinguere, quam Ecclesiam deleri. Ipsam vincere nulla vis poterit. Multi quidem fluctus, & undæ immanes, sed submergi non potest, quia supra petram stat: insaniat licet mare, petram non potest commovere: insurgant quantumlibet fluctus, navis Jesu obrui non potest. Ecce etenim oves ejus gentilium, velut prædonum diripiuntur incursum, mactandæ in carceribus, velut latronum clauduntur antris, a persecutoribus, quasi savientibus lupis sine cessatione laniantur, ab hæreticis, quasi ab extraneis canibus rabido dente carpuntur;

*S. Joan. Chrysost. l. 5.  
de non contemnenda  
Ecclesia Dei f. 1223.*

*S. Leo loc. citato.*

*Id. serm. 2. in natali  
Apostolorum Petri, &  
Pauli.*

*Luca 22. 31. 32.*

*S. Joan. Chrysost. l. 2.  
homil. 55. in caput  
Matth. 16.*

*Matth. 24. 35.*

*Matth. 16. 18.*

*S. Joan. Chrysost. l. 1.  
hom. 4. de verbis Esaiæ.  
Id. l. 5. hom. de ipsius  
expulsionem f. 227.*

*S. Petr. Chrysost. serm.  
40. f. 37.*

tur; & tamen gloriosius nunc fulget Ecclesia super splendorem Solis, & persecutores ejus perpetuis tenebris conteguntur. Hoc denique Apostolorum peremptus probat chorus, hoc Martyrum toto Orbe diffusus clamat sanguis, hoc Christianorum membra data bestiis, consumta ignibus, demersa fluminibus patenter demonstrant. At quid mirum, homines infirmos, tenerasque virgines tanta fuisse fidei constantia, invictaque fortitudine præditas, si a Spiritu Sancto, qui spiritus est fidei, & fortitudinis, ac habitabat in illis, ad tantam animi magnitudinem cælesti virtute excitabantur. Stabat Dominus quondam secus stagnum Genesareth, & vidit duas naves stantes secus stagnum; piscatores autem descenderant, & lavabant retia. Ascendens autem Jesus in unam navim, quæ erat Simonis, rogavit eum a terra reducere pusillum, & sedens docebat de navicula turbas. Hujus nunc Evangelici facti sapientiam admireremur. Ascendit quidem Dominus non in alterius Apostoli navim, sed in illam, quæ erat Simonis, ut hanc solam, veram, sanctam, ac universalem totius Ecclesiæ navim futuram esse præmonstraret. At cur rogavit eum Dominus, ut a terra illam reduceret pusillum? nonne poterat ipse, vel solo suæ voluntatis nutu sine Petri opera eam amovere? Poterat quidem, sed voluit sic nobis ostendere, ab ipso Petro universalem esse Ecclesiæ suæ navim gubernandam. Sed tandem, quare sedens de navicula turbas docebat? Ut cunctis significaret, Spiritum Sanctum altissimi donum Dei in Ecclesia semper esse; ipsa enim est mons ille, in quo beneplacitum est Deo habitare in eo ita, ut, quamvis Petrus sit Ecclesiæ rector, & caput, ipse tamen Spiritus veritatis in ea semper sit, in ea sedeat, in ea maneat, in ea denique ipse sit, qui loquatur, & doceat nos omnem veritatem. Ad hanc igitur Sedem cunctis adorandam

*S. Joan. Chrysost. loco  
supra citato.*

*S. Petrus Chrysost. eodem loco.*

*S. Joan. Chrysost. l. 1.  
hom. de Spiritu Sancto  
f. 757.*

*Luca cap. 5. in principio.*

*In hymno.*

*Psalm. 67. 17.*

*Joan. 16. 13.*

*Gen. 21. Synod. 8.*

*S. Irenaus lib. 3. c. 3.*

*In Epist. quæ extat  
aſſ. 4. Syn. 6.*

*Ruperius Tuitienſis  
lib. 2. de divinis of-  
ficiis cap. 22.*

*Tertul. de præſcript.  
f. 76.*

*S. Cypr. lib. de uni-  
tate Eccleſiæ.*

*S. Hieron. Epist. 57.  
ad Damasum.*

*S. Bern. ep. 125. & al.  
Anſelm. l. 1. de Incarn.  
Verbi. Cyril. l. 6. c. 12.  
Dion. Alex. Orig. Atba-  
Ep. ad Marcum Pap.  
Oſi. l. 1. in Parmen. &c.  
Valſtin. Ep. ad Theod.  
Jun. Martian. imp. ad  
Leon. Pap. Juſtinian.  
imp. coſt. nov. 131. &c.  
Conc. Rom. ſub Silve-  
ſtro Can. 20. Conc. Chal-  
ced. 1. Conc. Rom. ſub  
Gelaſio Conc. 4. Aurel.  
Conc. Lateran. ſeſſ. 9.  
Conc. Nic. Can. 6. Conc.  
Trid. ſeſſ. 7. cap. 3. &c.  
Bucerus in preparat.  
ad Conc. Calv. Inſt. c. 8.  
Luther. in aſſ. Luth. 7.*

*S. Irenaus lib. 3. cap.  
3. in Martyrologio Ba-  
ronii 15. Cal. Februar.*

dam necesse est, omnem convenire Ecclesiam, hoc est, eos, qui sunt undique fideles, in qua semper ab his, qui sunt ubique, conservata est ea, quæ est ab Apostolis traditio, in qua lumen Catholicæ, atque Apostolicæ fidei nulla hæretici erroris tetra caligine tenebratum, nec falsitatis nebulis confœdatum immune, atque sincerum permansit, & cui soli datum est, tamquam ab excelso fidei tribunali de rebus ad salutem necessariis discernendo infallibili cælestis Sapientiæ consilio, atque auctoritate data sententia judicare. Hæc enim una est illa ab Apostolis prima, ex qua omnes, cujus unitatem qui non tenet; quonam modo tenere se fidem credit? qui Ecclesiæ renititur, & resistit, qui Cathedram Petri, super quam fundata est Ecclesia, deserit, qua ratione in Ecclesia se esse confidit? Quicumque extra hanc domum agnum comederit, prophanus est; si quis in arca Noe non fuerit, peribit regnante diluvio. Hoc autem Sole ipso, & meridiana luce clarius quis inficias ibit? En omnes totius Orbis Ecclesias Romanæ, ut capiti suo perpetuo adhæsisse, ejusque fidei participes esse gloriari, omnes Sancti Patres tum Græci, tum Latini, omnis ubique eadem, atque constans traditio, omnes Principes, atque Reges, omnia sacrosancta Concilia tum Oecumenica, tum nationalia, ipsi denique, quis hoc crederet? ipsi insensissimi Apostolicæ Sedis hostes id nobis hæretici vel inviti ultro concedunt, ac consentunt. O præclara ergo, ac summa nostræ Romanæ Ecclesiæ dignitas! O gloriosissima B. Petri Apostolorum Principis Cathedra! quam doctrina munitam, traditionibus locupletatam, meritis illustratam, dotibus auctam idem Apostolus etiam sanguine consecravit.

100  
BIBLIOTHECA  
ROMANA  
MUSEUM  
DANIEL